


# ქანაჩივილი



ქან-ლუკ ბოლდარი  
ძიგა ვერტოვის ჭბუფი

პრის მარკერი

მედგედკინის ჭბუფი

# კრის მარკერი

კინო ხალხის ხელთ, ტრავორ სტარკი გვ.5  
რა მმართველს კრის მარკერის, პატრიციო გუზმანი გვ.25  
ინტერვიუ კრის მარკერთან გვ.31  
უკანასკნელი ბოლშევიკი, კრის მარკერი გვ.39  
წერილი ძეგლს, კრის მარკერი გვ.45

# ჟან-ლუკ გოდარი

მანიფესტი, ჟან-ლუკ გოდარი გვ.51  
ბაბილონაშენი ენა, კელეშიანის და გოდარის საუბარი გვ.52  
თეორიზაცია-თეორიზაცია (გოდარის კედამოგია), სერჟ დანიე გვ.56

წიგნი: “სა.გა”-ს ეიგენშტაინის “ინტელექტუალური მოძრაობა” და  
ვერტოვის “ადაშიანი კინოგრაფიით” გვ.62



# წიგნი:

## ეიზენშტაინის “ინტელექტუალური მონტაჟი”

### ვერტოვის “ადამიანი კინოაპარატით”

(სამზოგადოებრივი გამომცემლობა **სა.ბა.**)

აღბათ, ლოგიკური იქნება, თუ ამ წერილს, სერგეი ეიზენშტაინის ციტირებით დავიწყებ: “ზოგადკულტურული ფასეულობების განვითარებაზე, პრინციპების ასიმილაციაზე, მიღწევებისა და მიგნებების გამოყენებაზე იმისათვის რომ კულტურა განვითარდეს - რასაკვირველია, საუბარი არც შეიძლება იყოს.. ყველაფერი კარგადაა. ყველაფერს ხიერი და სარგებლობა მოაქვს. კულტურის განვითარება? და ვის ანალფლებს ეს?” ამ რიტორიკულ შეკითხვას, დიდი რეჟისორი, გასული საუკუნის 30-იან წლებში სვამდა. იგივე კითხვა, იმავენაირი პათოსითა და რიხით 21 საუკუნის საქართველოშიც შეიძლება დაისვას (და უნდა დაისვას). თუმცა, საბედნიეროდ, იშვიათად და ალაგ-ალაგ, მაგრამ მაინც, ამ რიტორიკულ კითხვაზე არსებობს აბსოლუტურად კონკრეტული პასუხები, და რაც მთავარია - დადებითი. ამ შემთხვევაში, ერთ-ერთი ასეთი გამონაკლისი სამზოგადოებრივი გამომცემლობა “სა.გა” გახლავთ, რომელმაც, “სარგებლობასა და ხიერს გადაგებული” სამზოგადოების შეუმჩნეველად გამოსცა ისეთი ნამუშევრები, რომელთა თარგმანაც ნებისმიერ ქვეყანაში წლის განსაკუთრებულ კულტურულ მოვლენებს შორის მონინავე ადგილებს დაიკავებდა (ავტორთა დასახელებაც კმარა: თეოდო რ ადორნო, მაქს ჰორკაიმერი, ვალტერ ბენიამინი და ა.შ.). თუმცა, გასაგებია რომ ჩვენი ჟურნალის პროთეილის გათვალისწინებით, განსაკუთრებულ ინტერესს 2013 წელს გამოცემული წიგნები - სერგეი ეიზენშტაინის “ინტელექტუალური მონტაჟი” და ძიგა ვერტოვის “ადამიანი კინო-აპარატით ინვესს”.

თუ სტანდარტულ ფორმულას დავუჯერებთ, აღბათ აქ უნდა აღვნიშნოთ რომ ეს ორი წიგნი არამხოლოდ სტუდენტებისთვის, კინო-მსოფნიებისა და სპეციალისტებისთვისაა, არამედ მკითხველთა ფართო წრისთვის (წმინდა საბჭოურ სტილში), მაგრამ ეს უბრალო და უსირცხვილო ტყუილი იქნება. ჯიბის წიგნის სერიის ეს პატარა წიგნები, ოთხ-ოთხ ტექსტს რომ შეიცავს, არამხოლოდ დაკვირვებით წაკითხვას საჭიროებს, არამედ ენთუზიაზმსაც. აბსოლუტურად შეუძლებელია ამ ტექსტების გაგება, ან უკეთ - გააზრება სულ მცირე, ამავე რეჟისორთა ფილმების ნახვის გარეშე. შესაბამისად ეს წვეთი, იმ თეორიულ ტექსტთა ოკეანიდან, რომელიც საბჭოთა კინოს პიონერების კალამს ეკუთვნის, მლაშეა, რომლის ათვისების შემდეგაც წყურვილი უფრო და უფრო გიძლიერდება. აქ, ოდნავ გაუცნობიერებლად, მაგრამ მაინც ძალაში შედის ტრეტიაკოვის პრინციპი - მკითხველი თავად ხდება ავტორი, ვინაიდან მისი გამუდმებული კვლევა-ძიების, დაუსრულებელი შედარებებისა და აქტიური მონაწილეობის გარეშე, ეს ტექსტები საერთოდ ვერაფერს გვეუბნება.

ორივე წიგნს თან ახლავს საბჭოთა კინოს გერმანელი მკვლევარის ოქსანა ბულგაკოვას შესავალი, რომელიც დამწყებ მკითხველს, ექსპერიმენტების ამ დაუსრულებელ სამყაროში პირველ ნაბიჯებს მკვეთრად გაუადვილებს.

გამომცემლობა სა.გა სწორად მოიქცა როდესაც ეს ორი თითქოსდა მონათესავე ავტორი ერთად გამოსცა. მიუხედავად იმისა რომ ვერტოვისა და ეიზენშტაინიც, ერთ ეპოქასა და ერთ “სკოლას” ეკუთვნიან, საკუთარი თავის მათეული აღქმა, შეხედულებები ხელოვნებაზე ზოგადად და კინოზე კონკრეტულად, მკვეთრად განსხვავდებოდა ერთმანეთისგან. რაღაც თვალსაზრისით, ეს გახლავთ თეზა და ანტითეზა, ორი ურთიერსაწინააღმდეგო დეტალი, რომელიც ერთ მთლიანობას ადგენს.

ვერტოვი უფრო საკუთარ დაჯგუფებაზე, მიზნებზე და ზოგადად კინოს ადგილზე და როლზე წერს, ეიზენშტაინი კი მეტწილად, მეთოდებსა და ტექნიკაზე.

როგორც აღვნიშნეთ, ეს ორი წიგნი სარკმელია, იმ სამყაროში გამავალი, სადაც კინო დიალექტიკური მატერიალიზმის პრინციპების შესაბამისად იგებოდა, სადაც კამერას ადამიანსა და მის თვალზე მეტ უნარებს მიანერდნენ, სადაც ფილმს მაყურებელთა ცნობიერება ისე უნდა გაეთელა როგორც ტრაქტორი, სადაც კინო ან ყველაზე მნიშვნელოვანი ხელოვნება იყო, ანდაც - საერთოდ გარისხული გახლდათ მისი რიგებიდან.



© წყარო – »ჯენარიელო« N4

(<http://www.mediafire.com/view/7t569d97zb8a94d/Gennariello+%234+0814.pdf>), აგვისტო 2014, გვ. 62.

»ჯენარიელოს« ონლაინ გვერდი

<https://www.facebook.com/gennariello1927>